

A. Taimi o le tiga ma le lavea'iga:

- ❖ “Ua tatou ola nei i le taimi o le iuga. O faailoga o le a vave ona faataunuuina, o ia taimi ua faailoa mai ai ua lata lava le afio mai o Keriso. O aso o loo tatou ola ai e mamalu ma taua.”(EGW, TI9, 11). O a nei mea o le a tutupu?
 - **Faaaliga 22:11** – O le a muta le faamasinoga ma ua maua le iuga o mataupu uma. Ua tapunia foi ma le faitotoa o le alofa tunoa
 - **Isaia 8:21-22; Ieremia 30:7** – Taimi o mafatiaga. O le amioleaga o le a aunoa ma se amio pulea, a’o le amiotonu e le iloa po ua faamagaloina i latou.
 - **Faaaliga 15:7-8; Salamo 27:5** – O mala mulimuli e 7 o le a pa’u lea i luga o e le salamō. Ae o le a leoleoina ma malutia tagata o le Atua
 - **Faaaliga 16:14; 1Ioane 3:2-3** – Ua saunia vaega ta’itasi e feiloa’i ma Iesu. O nisi e faasagatau ia t la; ao nisi e talia o la ma le olioli.
- ❖ Pe a faamutaina e Iesu Lana galuega o le fautua ma ua alu ese foi le Agaga Paia mai i a’i latou o e lē salamō, o le a faamaufaailogaina loa le iuga o tagata ta’ito’atasi. O le a faaaauu ona i ai pea o le fesoasoani ma le puipuiga faale-lagi, ae o le amioleaga o le a i lalo pea lea o le alofa mutimutivale o Satani. O le a faaalua ma le tagata ta’ito’atasi i lana lava amio poo ai ua ia filifili e auuna atu i ai.

B. Taimi o le fefe ma le olioli:

- ❖ O le au amioleaga (Faaaliga 6:16):
 - Ua latou teena le Tulafono a le Atua; ua latou teena le vai o le ola ma ua latou eli mo i latou o “vai’eli mavaevae” (Ieremia 2:13) e le talia ai ni vai. O lea la ua latou faafesaga’i nei ma lo latou Faamasino. Na pau le mea e mafai ona latou faatalitali i ai o le to’asa ma le faafanoga. O ai o le a faasa’olotoina i latou?(Isaia 2:19; Faaaliga 6:16).
- ❖ O le au faaolaina (Isaia 25:9)
 - Sa latou faamaoni i le Tulafono a le Atua; Sa latou inu i le vai o le ola (Faaaliga 21:6). O lea la ua latou faafesaga’i nei ma lo latou Faamasino. Na pau lo latou faamoemoe o lo latou faaolataga. O le a le mafai faapefea ona latou alalaga atu ma vivii? (Isaia 25:9; Faaaliga 15:3-4).

C. Taimi o le faatafuna’ina ma le faamasinoga:

- ❖ **Taimi o le faatafuna’ina:**
 - Pe a afio mai Iesu, o le a toetutu mai le au paia o augatupulaga uma; ma e o la faamaoni, e ua liua, o le a aveina a’e i latou i le Lagi e faatasi ma Iesu (1Tesalonía 4:16-17).
 - O le a oti le tagata amioleaga i luma o Iesu. O latou tino oti foi o le a folasia e le tanumia, mulimuli ane, o le a leai se faailoga o se mea e ola o totoe i le Lalolagi (Ieremia 25:33; Faaaliga 19:17-21; Ieremia 4:23-26; Isaia 24:3).
 - O le taimi lea, o le a lokaina ai Satani ma ana agelu i le to e le gata mo le afe tausaga, ma e le mafai ona toe faasesēina soo se tasi (Faaaliga 20:1-3).
 - O le to (*e le gata mai*, o se nofoaga pogisa), o le faamatalaina atoatoa lea o le tulaga o loo i ai le
 - Lalolagi i lea lava taimi. E aunoa ma se ola faale-tagata, o le a leai foi se temoni e faaososoina. O le a aveia ma se taimi e manatunatu ai i agelu fouvale, o loo noatia i filifili o tulaga, e aunoa ma se avanoa e mafai ai ona alu ese mai ai i lea Lalolagi tuufua.
- ❖ **Taimi o le Faamasinoga:**
 - Pe afai na faamanatuina mai le Faamasinoga ao lei oo i le Afio Faalua Mai, ma ua uma ona faataunuuina e Iesu le faasalaga, ma tuuina atu le ola e faavavau i ai latou o e talitonu ia te la... O le a le uiga o lenei faamasinoga fou ua ia tei tatou? (Faaaliga 20:4)
 - Mo seneturi, na faaalua ai e le Atua Lona alofa ma ofoina atu le faaolataga i soo se tasi o le a ia talia. O le tupu tele ai foi lea o le leaga
 - I le taimi o le Faamasinoga, ua mafai ai e le lalolagi uma ma agelu faamaoni ona molimauina le faamasinoga tonu ma le alofa mutimutivale o le Atua i Lana faatautaiina o le agasala atoa ma le fouvale. O lenei, ua i o latou luma le tali moni o le pule faa-satani: ua na o se laueleele gaogao lava ma le faatafuna’ina.
 - Peita’i i tatou o e sa nonofo i se vaega o le laueleele a le fili i le taimi o nei feteena’iga, a ua faaolaina nei, o le a manaomia foi ona molimau atu i lea lava faamasinoga tonu ma le alofa mutimutivale o le Atua. I le faamasinoga o le meleniuma o le a tatou matuā talitonu atoatoa ai lava i le alofa o le Atua; ona o le a lē mafai ona toe tula’i mai ai se leaga (Nauma 1:9).

D. Taimi o le ola ma le oti:

- ❖ I le faaiuga o le meleniuma, e toetutu mai ai le au amioleaga. Latou te toe talia le ta'ita'iga a Satani, ma toe faasagatau atu i le Atua ma le au paia. E leai lava se mea e toe suia, aua o mea uma o le a faaumatia i le afi (Faaaliga 20:5-9).
- ❖ A'o lei faaumatiaina i latou, o le a umia le faamasinoga mulimuli. Ua fofolaina tusi, ma o le a iloa ai e tagata uma a latou lava amioga ma lo latou te'ena o valaau alofa a le Agaga Paia. E talia e tagata uma le faamasinoga tonu a le Atua, ma ifo atu i o latou tulivae i Ona luma (Faaaliga 20:11-13; Isaia 45:23; Filipi 2:10).
- ❖ E mamao lava mai le ola e faavavau (ia faasalaina e faavavau), e puapuagatia i latou i le "oti faalua" e leai se toetutu mai ai (Faaaliga 20:14-15; Salamo 37:20; Malaki 4:1; Isaia 26: 14).
- ❖ O le a leai se toe oti poo se agasala. Ua oo i le taimi e soloiesea ai loimata uma ae o le a fiafia ma olioli i le ola e faavavau (Faaaliga 21:4).

E. Taimi e alofa ai ma ia alofaina:

- ❖ **O le a sa tatou mea o le a faia i le Lalolagi Fou mo tagata uma e faavavau?**
 - O le satauro o Keriso o le a avea ma faasaenisi ma pese a le au togiolaina i le faavavau atoa.
 - I luga o [...] laufanua laugatasi to'afilemu, i le taufaasiusiuga [...] o alāvai ola, o le a maua ai [...] se nofoaga mo tagata o le Atua
 - E i ai mafaufau e ola pea o le a manatunatu ma le fiafia e faavavau i le ofoofogia o le mana foafoa.
 - O le a faatuputeleina tomai uma
 - O le umiaina o le poto o le a le faavaivaia ai le iloa poo le aveesea ai foi o le malosi
 - O le a mafai ona faia o galuega silisili, o le a faamalieina foi se faanaunauta'iga sili atu ona maua, o le a iloa ai foi se faamoemoega sili
 - O mea fou ua faamaualugaina o le a faatoilaloina, o mea ofoofogia fou e taua lea o upumoni fou e malamalama i ai, o sini fou e lu'itauina ai le mafaufau o le agaga, loto ma le tino.
 - Latou te faasoa atu ma [tagata e lei pau'u] le oa o le poto ma le malamalama na maua i le tele o seneturi ma seneturi i le manatunatu i le galuega a le Atua
 - Faatasi ai ma se vaaiga manino, latou te mafaufau i le faamamaluina o le Fofoaga: la ma fetu atoa ma le faatulagaina ua tuuina atu i a'i latou, ina ia siosiomaiaina ai le Nofoalii o le Atua
- (Extracted from "The Great Controversy", pages 651-666-668-675-677-678)